

本事詩卷十二



本事詩後集目錄

卷十一

朱彝尊

汪懋麟

于莊

汪楫

嚴繩孫

毛甡

王揆

余懷

附尤悔菴

本事詩卷十一

後集

吳江徐 鈞電發編輯

邵武徐 榦小勿校刊

朱彝尊

錫鬯竹垞
嘉興人

蝶齋小牘曰秀水朱十負異才吳梅村游樵李見
其詩評曰若遇賀監定有謫仙人之目嘗效俞羨長
古意新聲體賦閒情詩三十首錢塘陸麗京誦之傾
倒作望遠曲思勝之不敵也一序尤爲計孝廉甫草

朱十彝尊詩才雋逸
古記入都

子明
日偕董處士
未嘗避人朱

東言云云

三婦豔新妝靜鎖歲蕤春日長一出浣紗行石上飛

紫鴛鴦

再過鼓山

猶是清江舊板橋門前流水細通潮垂楊不是傷心樹那
得長條更短條

題陳女史畫蓮

吳興女子陳小住爲朱十畫扇
作竝頭蓮朱十集唐人句題之

可愛深紅閒淺紅滿地荷葉動秋風
縈迴謝女題詩筆一片西飛一片東

竹屋吹簫爲秀水王漢雯賦

秀水王生漢雯舍館于南張橋沈氏之宅宅西書屋水竹繞之靜夜無人生坐吹簫良久有婦人從竹林出通情款遂薦枕席經月餘語生曰妾冤鬼也因訴冤狀請生雪之生大懼曉起力辭主人歸不復往陳秀才枕生同席硯友也微叩之生乃吐實爲賦一律紀其事云

哀蟬落葉響空廊何處風來夜度孃一水情通猶脉脉三星路斷已茫茫人閒定有黃金盃天上曾無白石梁宛轉歌殘玉簫歇西鳥飛盡月蒼涼

流虹橋紀事送葉元禮歸吳江

吳江葉舒崇元禮美丰姿少日隨其兄學山過
流虹橋有女子在樓上見而慕之問其母曰有
與葉九秀才偕行者何人也母漫應之曰三郎
也女積思成疾將終語母曰得三郎一見死無
恨矣女卒元禮適過其門母以女臨終之言告
元禮入哭女日始瞑余作高陽臺記之云橋影
流虹湖光映雪翠簾不卷春深一寸流波斷腸
人在樓陰游絲不繫羊車住倩何人傳語青禽
最難禁倚遍雕闌夢遍羅衾重來已是朝雲散
悵明珠珮冷紫玉煙沈前渡桃花依然開滿江
浮鍾情怕到相思路盼長隄草盡紅心動愁吟
碧落黃泉兩處誰尋一時交傳其事後至會稽
每入市窺簾者夾道時宋副使琬觀察越中曰
是將看殺衛玠因招之入署及歸余送以詩云
明童倚曲動梁塵姹女新妝更絕倫齊向羊車看衛玠臨

行愁殺洛陽人

贈若耶小史爲葉星期作

星期越游愛伶人某郎幼美其友致之是夕已倣裝將還矣執手不忍別賦絕句送之

畫舸乘風一葉輕
紅亭相送客相迎
最憐小史如初日
不勸離簫到五更

將之永嘉曹侍郎餞予江上吳客韋二丈爲彈長
亭之曲并吹笛送行歌以贈韋卽送其出塞

韋郎舊隸羽林籍
曾向營門教吹笛
不聽吳中白雪音
定呼鄴下黃鬚客
平原相見轉相親
置酒誇君坐上賓
下若

尊壘朝未罄東山絲竹夜還陳閒來坐我花閒奏玉洞飛
泉響巖溜古調多傳關馬詞新聲似出康王授問我東行
到海壖日斜江上慘離筵還將北鴈南飛曲催送錢塘楚
客船船人擂鼓津頭泊紅葉千山富春郭忽作邊秋出塞
聲江楓岸柳紛紛落哀絃促管不堪聽賓御聞之亦涕零
挂席遠移巖子瀨看山直上謝公亭聞君欲問雲中戍雪
消飲馬長城去廣武營邊折柳時黃瓜阜上題書處司農
舊是出羣才此日征西幕府開試向尊前歌一曲梅花飛

遍李陵臺

題顧夫人畫蘭

睂樓人去筆牀空往事西州說謝公猶有秦淮芳草色輕

紈勻染夕陽紅

蘭名見金漳趙氏譜

秦淮舟中作

聞道秦淮樂未闌小長干接大長干桃根桃葉無消息腸

斷東風日暮寒

贈陳校書并索其畫扇二首

集唐

不將清瑟理霓裳笑倚東軒白玉牀小疊紅牋書恨字屏

風誤點惑孫郎

葡萄美酒夜光杯夜半高堂客未回
知我憐君畫無敵且將團扇暫徘徊

南湖夜聞歌者

輕舟暗度古城東惆悵霜天落塞鴻
誰向夜深歌水調傷心不待管絃終

嚴繩孫

孫友無錫人

孫友爲貴公子孫早歲拂衣蕭疎澹遠脫然塵垢之外
識者目爲倪元鎮一流著秋水集意象超越不爲綺靡之音
摘其一二豔語風情月魂猶當遺世獨立也

贈溪陽李雲田迎侍兒掃鏡

我見猶憐更莫疑檢書調黛事全知只應不解銅鞮曲教

唱蕭郎自作詞

病後修蛾不耐秋昵郎絮語動離憂兒家薄命羞金屋素

帔焚香侍遠遊

汪懋麟

季冉蛟門江都人

蛟門天祿燃藜金門據地彈碁頌酒不減名輩風流
常于清明日集諸名士送朱十錫鬯之揚州云今年
二月巳春分白袷單衣暖氣曛欲唱渭城誰進酒綠
揚樓外見紅裙又云揚州勝事滿林臯此去猶能賞
碧桃無數畫簾鉤落日一湖春水漾輕篙
情致妮人論者以爲酷似微之牧之也

柳敬亭說書行

已已既沒蒯通死陸賈酈生呼不起後人口吃舌復僵雄
辨誰能矜爪嘴吳陵有老年八十白髮數莖而已矣兩眼
未暗耳未聾猶見搖唇利牙齒小時抵掌公相前談奇說
鬼皆虛爾開端抵死要驚人聽者如癡雜悲喜盛名一時
走南北敬亭其字柳其氏英雄盜賊傳最神形模出處真
奇詭耳邊恍聞金鐵聲舞槊橫戈疾如矢擊節據案時一
呼霹靂迸裂空山裏激昂慷慨更周繳文章彷彿龍門史
老去流落江淮間後來談者皆糠粃朱門十過九爲墟開
元清淚如鉛水長安客舍忽相見龍鍾一老胡來此剪燈

爲我說齊諧壯如擊筑歌燕市君不見原嘗春陵不可作
當日紛紛誇養士鷄鳴狗盜稱上客玳瑁爲簪珠作履此
老若生戰國時游談任俠羞堪比如今五侯亦豪侈黃金
如山羅錦綺爾有此舌足致之況復世人皆用耳但得飽
食歸故鄉柳乎柳乎譚可止

芝麓宗伯贈說書柳叟沁園春一闕云驃騎將軍異
姓諸侯功名壯哉乍南樓傳箭大航風鶴中流搖櫓
湓浦蒿萊片語回嗔千金逃賞遮客長刀玩弄來堪
憐處有恩門一涕青史難埋偶然坐上嘲詠博黃絹
新詞七步才似籌兵北府碧油晨啟把碁東閣展齒
宵陪春水方生吾當速去老子遨遊頗見哀相攜手
儘山川六代簫鼓千杯公自注云
記左寧南與范文貞何文端事也

閨詞爲姬人作

按姬越人蛟門病中納姬長安邸舍一時羣公
都賦賀新涼詞一名金縷曲西吳徐倬方虎云
百合香鬢卷趁涼天綠珠迎至翔風輕遣夜靜
鈿車嘖響處偏是歡多成泣可喜殺雙蛾同繭
若把瓊花來比樣鏡湖春豈似揚州淺蓮蒂並
藕絲展文園病渴今方顯故妝成溫柔鄉裏來
尋和扁絳蠟臺前呼小字不道新郎是犬紅豆
曲相思纔免騎省才人簪筆慣有雙螺畫筆須
君典溪上約臂紗剪新城王士祿西樵云蘭幌
燈前卷便相如愁盈四壁一時齊遣始信明眸
眞善睽暗瞬秋波似泣早打疊鸞衾如繭扣扣
繫欽情乍定道琴心眉語都來淺雙影好玉臺
展三生石上精魂顯好摩娑藍橋贈盒玉圓犀
扁得近佳人偏鄭重不惜烏龍是犬縱病渴誰
能求免從此比肩形影似奉鴛鴦繡譜同經典
紅綬帶肯輕剪梁園周在浚雪客云繡幙朱帷

卷羨才郎

茂陵病渴蛾眉聊遣百兩爭看迎碧

玉淚滴晶壺

紅泣堆錦被並頭藏繭千里誰期

燕與越羨赤繩繫就緣非淺月下老書頻展雙

棲璫瑁雕梁顯最消魂流蘇微動黃金釧扁阿

母相依攜小妹從嫁何勞牽犬花底活春風笑

免好語竹西人莫怨怕短轅長柄難為典心已

醉愁須剪陽羨陳維岳緯雲云繡被濃香卷戟

門前侵晨客到當關須遣鏡底催妝吟麗句綵

筆江郎花泣稱好寫佳箋名繭十五有餘年紀

是似柳梢二月黃初淺豈蔻熟櫻桃展舍人通

籍金閨顯擁如君臣冠橫掛珊瑚簪扁蓮漏丁

丁爐獸熱睡著雪狸烏犬料天上魂消不免入

直公餘休澣暇賜口脂面

藥誇恩典裙帶樣看裁剪

初試輕衫四月天曉來臨鏡喚郎前小時只愛花枝好爲

看新梳髻影偏

貪繡鴛鴦錦翼舒卻呼侍女去烹魚日長儘有閒針線消
得郎君一寸書

紅燭高燒倒玉瓶繡牀斜倚影亭亭道郎吟句如絃管自
擊文犀徹夜聽

夜聞鄰女琵琶

京邸
記事

瑩瑩素月光含煙羅幃風動愁不眠忽聽纖歌撥銀甲美
人夜弄鷓鴣絃我有錦瑟久寂寞朱絲塵網金鈿落此夕
聲疑碧玉歌隔花淚斷眞珠索寄語美人且勿彈彈之如
對關山難安得解衣滅紅燭空惜雲鬢風霧寒

寶應陶徵季深有過蛟門寓齋聞鄰女琵琶聲曲云
長安月明清漏遲庭中素影流參差廣陵詞客不肯
寐正憶落花腸斷時何人新聲若有怨一曲初彈百
鶯囀尋聲猶隔短牆東悵此蛾眉不相見自是遙憐
宋玉才故煩纖指寄絃哀知君
今夜夢難覓誰是巫山雲雨臺

還珠曲

爲韓女作

誰言碧玉小家女自顧傾城心獨許對鏡妝成香坐薰臨
風舞罷衣輕舉生小嬌憨花下居高鬟一尺盤龍梳問年
四五頗不足自言二九纔有餘卻恨春風破瓜早卓孌惟
悴衣裳縞一曲初彈鳳與凰相如先爲情顛倒豈意盈盈
秋水長朱絲難繫雙鴛鴦還我明珠淚沾臆竚立門前空